

Sebija Izetbegović, Zastupnica u Skupštini Kantona Sarajevo
Faruk Selmanović, Zastupnik u Skupštini Kantona Sarajevo

Bosna i Hercegovina
Federacija Bosne i Hercegovine
Kanton Sarajevo
Skupština Kantona Sarajevo
n/r Kolegija Skupštine Kantona Sarajevo

Uputiti: Ministarstvu za boračka pitanja Kantona Sarajevo, Uredu za borbu protiv korupcije Kantona Sarajevo, Kantonalnoj upravi za inspekcijske poslove Kantona Sarajevo, Upravnom odboru i Nadzornom odboru.

PREDMET: INICIJATIVA

Poštovani,

Na osnovu člana 213. Poslovnika Skupštine Kantona Sarajevo, upućujem inicijativu Ministarstvu za boračka pitanja Kantona Sarajevo, Uredu za borbu protiv korupcije Kantona Sarajevo, Kantonalnoj upravi za inspekcijske poslove Kantona Sarajevo kao i Upravnom i Nadzornom odboru da se **hitno izvrši sveobuhvatan nadzor nad radom Javne ustanove Memorijalni centar Sarajevo.**

Inicijativom se traži da nadležne institucije, svaka u okviru svojih nadležnosti, provedu **detaljan i sveobuhvatan nadzor**, sa posebnim fokusom na:

- postupke **zapošljavanja**,
- angažmane putem **ugovora o djelu**,
- **finansijsko poslovanje** ustanove,
- stanje međuljudskih odnosa i radno-pravni status uposlenika, uključujući **broj pokrenutih disciplinskih postupaka, razloge njihovog pokretanja i način vođenja.**

U proteklom periodu u javnosti su se pojavile ozbiljne informacije i navodi, koje su iznosili i sami uposlenici, a koji ukazuju na moguće **propuste u radu rukovodstva ustanove**, uključujući navode o **učestalom mobingu nad uposlenicima**, kao i o nepravilnostima u upravljanju ljudskim i finansijskim resursima.

Posebno zabrinjava činjenica da značajan broj uposlenika Memorijalnog centra Sarajevo čine **demobilisani borci, ratni vojni invalidi, te djeca šehida i poginulih boraca**, zbog čega ovakvi navodi zahtijevaju **posebno hitno, osjetljivo i odgovorno postupanje** nadležnih organa.

Ovakvo stanje je neprihvatljivo i nedopustivo, te je neophodno da se **bez odlaganja poduzmu sve potrebne aktivnosti** kako bi se utvrdilo stvarno činjenično stanje, a protiv odgovornih, ukoliko se utvrde nepravilnosti, **poduzele adekvatne disciplinske i pravne radnje**, u skladu sa važećim propisima.

Memorijalni centar Sarajevo ima posebnu društvenu, historijsku i moralnu odgovornost da **baštini i čuva kulturu sjećanja na agresiju na Republiku Bosnu i Hercegovinu**, a naročito na Grad Sarajevo, koji je bio izložen **najdužoj opsadi u modernoj historiji ratovanja**. Upravo zbog toga, rad ove ustanove mora biti primjer zakonitosti, profesionalizma, dostojanstva i poštovanja ljudskog integriteta.

S poštovanjem,

Sebija Izetbegović, zastupnica u Skupštini Kantona Sarajevo

Faruk Selmanović, zastupnik u Skupštini Kantona Sarajevo